

**C.S.  
SCHURZFLEISC  
HI  
DISPUTATIONE  
S...**

---

Konrad Samuel  
Schurtzfleisch, ...



MARISER

TVS

MAARIB

CONRAD DOZAMAY

SOHARELLINCHME

FRANCISCO VASMEK

HAMELVORBAT

IN THE NEW YORK

OWNED BY THE NEW YORK

LIBRARY

LIBRARY

LIBRARY

I.

**A**mplum Imperii nomen. Ad terram et mare ac insulas porrigitur. Flumina quoque, et fluminum sinus et littora universa comprehendit.

II. Ac iam vetera illius imperii exempla, nec controversiae minores. Vindicatum saepe mare, vindicata flumina, et uni attributa genti.

III. Memorandi hic Africae, Asiae, Europae populi. Notae horum super imperio maritimo lites: Megarensium cum Atheniensibus, Persarum cum Europaeis, Poenorum cum utrisque, praecipue cum Romanis.

IV. Necdum vero talium dissidiorum finis. Stylo subinde et gladio haec causa disceptatur. Sustinet Anglorum causam Seldenus. Batavorum H. Grotius, uterque scriptor suae gentis. Vellem steteret pugna intra hos fines. Non tot iactatae opes, non tantum sanguinis fusum fuisset.

V. Adeo verum est, suos mari positos esse terminos, positos esse fines imperiorum iuxta atque dominiorum. Ut existinem, iam constare causam, cur territorium non terrae solum, sed maris etiam ratione censeatur. Habet enim ambitum mare, habet limites suos. His includitur, his iudicatur. Egredi intus, violare quoque iniustum est. Super vacuum hic ire in exempla. Omnia ferme pervulgata. Asserit sibi Turca Hellepontium pelagus. Imperium mediterranei maris iam affectat. Asserit sibi Hispanus Tyrrenum mare. Asserit Balthicum Danus. Britannii Britannicum, Veneti Adriaticum, Genuenses Ligusticum vindicant sibi.



*XLII. DISPUTATIO,*

VI. Nec sinunt Lusitani, ut aliter sentiamus. Applaudit titulus, eoqve dignus est, qui scribatur in exemplum posteritatis. Sic enim iam olim, terror ille maris, et gloria, ut actabatur, redeuntis aurei seculi. Emanuel Dei gratia Rex Portugalliae, et Algarbiorum, citra ultraqve mare in Africa, Dominus Gvineae et Conqvistae, navigationis ac commercii Aethiopiae, Arabiae et Persiae, atqve Indiae. P. Langius Chr. A. 1513.

VII. Etiam Respublicae, quae nexu quodam superiori cuidam illigantur, flumina, quibus alluuntur ipsae, metiuntur hoc iure, vindicantqve sibi in ea quaedam sive privilegii titulo, sive servitutis. Allego hic illud omnium sermone celebratum ius, quod vocant, restringendi, quo liberae Albis navigationi quasi iniectum fraenum est. Non allegabo ius appulsus, non privilegia, quae appellant, geraniorum, certissima fluminum imperii aeqve, ac domini iure censendorum argumenta. Nec refert, imperium simpliciter supremum sit, an nexu quodam beneficiario, et vinculo civili aestimatum. Possum recitare hic Coloniam Agrippinam, possem, si liberet, alias civitates multas.

IIIX. Non vacat recitare omnia, neqve explicare hic, quid et quantum quisqve sigillatim tribuat sibi. Dicimus tamen acquiri posse mare, dicimus posse occupari, atqve adeo his limitibus terminari, quos proprietas designat. Acquirendi autem illam, occupandiqve facultatem arcesso a concessione iuris naturae, ac praeterea discerno imperium atqve dominium maris. At vero non consentiens sibi utriusqve vocis interpretatio occurrit. Sunt, qui satis habeant si distinxisse, ut unum horum appellent ius in mare, alterum ius in mari. Nolim suscipere hanc causam, qui meminerim, imperium sola dirigendi disponendiqve facultate, prout ea quidem in rebus morum se exerit, sustineri. Sed quis da

bi

bit, ut, quod sub notione facultatis redditur iuxta atque concipitur, continuo iuris exquisita appellatione contineatur? Diversa haec sunt, et suis quasi spatiis disparata, eo quod minime omnium confundenda. Impingit hic Theodorus Grasvvinckelius, idque non semel, et ea adeo ex causam iam doctissimis quoque notatus.

IX. Age vero expediam, quid inter imperium ac dominium intersit. Strictim edisseram. Illud continetur potestate ferendi leges, atque absolvitur adeo facultate regendae navigationis, qua patet iurisdictio maris. Hoc censetur quasi notione partis, eoque implet vicem instrumenti civilis. Non attinet referre de modo considerandi admodum dispari. Et iam tum per se constat, non eandem esse utriusque acquirendi facilitatem. Esto Sisenna. Acquisiverit imperium maris. Multum abest, quo minus dicas, eadem opera dominium acquisivisse. Quod vel ipse Grotius agnovit, et multo disertius tradunt doctissimi ad eum commentatores.

X. Nondum satis instruximus hanc penum. Vertendi ad ultimam originem oculi, et arcessenda inde initia huius causae. Prima cura, ut ostendamus, a primordio usque conditi mundi omnia descripta esse in eos fines, quibus hodie dominiorum iura continentur pariter atque distinguuntur. Afferro enim, nunquam fuisse huiusmodi hominum cum hominibus societatem, quae stetit sine proprii iure, quae communia omnia cum omnibus habuisset, quae denique domini limitibus disparata non fuisset. Est iudicium rationis, omni tempore idem, nec fortasse diversum in vitae melioris statu, si perseverassemus. Suum quemque habere sibi oportere, suum dico, quatenus proprii iure descriptum, quatenus habendi finibus discretum. Approbant hoc instituta gentium, atque assensu excipiunt populi omnes, indignaturi, si inaudiant doctrinam primaevae communionis. Et movit tamen pro ea stylum Grotius, atque offendit eo



## XLII. DISPUTATIO,

so intelligentiores, et nominis sui alioquin perstudiosos. Sed quicquid eius sit, nulla ratione, nulla annalium fide, nec tandem ipsa Dei auctoritate hoc sustinetur. Nobis constituti dominii fons multo altius fluit, id est, ex scaturigine praecepti divini. Gentium consensus inde accepit, non fecit, extulit, non produxit, verbo, nil egit, quia originem primam metimur: saltem approbavit, ac certe propagavit diffuditque a populo ad populum, ad cives quoque veteris ac novi Orbis, denique ad omnes, qui vitam humanam colunt.

XI. Evolvamus historiam antiquam, ac videamus de Adamo fatore humani generis, et Noacho instauratore lapsi. Uterque donationis divinae titulo imperium terrarum orbis nacti, suos cuique filiorum terminos posuere, agros, dominia atque familias discrevere, ut docerent exemplo, quid factum vellet Deus, quidve recta ratio monstraret. Assignata Abeli pascua, et delegata pecorum cura, et vindicatum adeo peculium a pastoralis cultu. Caino, fundos curaret, iniunctum. Praeterea agrum subigeret, ac faceret sementem. Veteres cum aut Saturni profugi, aut Neptuni nomine designarunt. Sed de hoc minime angimur. Sufficit annotasse primaevi exemplum proprii: Communionis certe nec vestigium occurrit. Verum haecenus terrae finibus contineri hoc proprii ius videbatur. Sed iam manifestius se prodit, post prodigium illud eluvionis, factae Noachi aevo. Detectae insulae ac distributae, terrae et maris pariter imperia distincta, nihil denique usquam relictum, quod non includeretur limitibus certis, quod non circumscriberetur terminis separatorum dominiorum. Semo cessit, quicquid ab Euphrate ad Indiam usque porrigitur. Chamo Africa, Iapheto Europae ditiones relictæ. Constat id ex monumentis sacris, constat ex consensu priscorum. Post illos ex recentioribus vid. doctissimus Ioannes Strauchius in

diff

diff. de imp. maris cap. 1. cui in hoc argumento plurimum debet vir, cum viveret, diligentissimus, Georgius Hornius, in Arca Noe, in primis p. 20. et 35.

XII. Sic suis quaeque spatiis terminata, et quantum ab ultima vetustatis memoria repetimus, iidem hominum, qui iuris proprii, natales fuerunt. Duo hic scopuli, eoque vitandi. Vnus, ne uni omnia; alter, ne omnibus omnia tribuamus. Hunc, opinor, praeternavigavimus secure: neque maius ab illo periculum impendet, qui sciamus, repugnare iuri universo imperium universe consideratum, sive terrae, sive maris respectu. Hispanis saepe hic in turbido consilium fuit. Sed Dominicus Soto, Hispanus ipse, in hac causa deseruit Hispanos, rationesque attulit non spernendas, et suspectae illi invisaque gentibus dominationi refutandae prorsus suffecturas. Ius divinum allegari non potest. Hoc definiuntur imperia et distinguuntur. Donatio Pontificis ne digna quidem est, ut referatur. Adeo inepta est et vanitatis plena. Recte iam olim Caribes ad Ansicum Hispanum pronunciarunt, miram sibi videri Pontificis liberalitatem, qui, quod suum non esset, largiretur. Gasp. Ens l. 3. cap. 9. Hist. Occid. Eodem sane animo, quo iam diu ante Fridericus Aenobarbus anilem fabulam interpretatus Pontificis donationem est. Vid. Monachus Nussienfis Chronic. Anno 1153. Vt iam facile sit aestimare, non dicam vanitatis, sed impiae ambitionis exemplum, ab Alexandro VI. proditum, eoque Annalibus Bzovianis et Bullario, quod dicitur, Laertii Cherubini insertum. De iure naturae nil addo. Satis quippe exploratum, in sanctissimo illius tribunali nil reperiri, quo fulciatur imperium universi orbis terrarum. Non homo, sed Deus est, qui regere omnes, qui tueri omnia possit. De gentium moribus scio, unam omnium sententiam



## XLII. DISPUTATIO,

iam fuisse, ut primaevo proprii iuris decreto res accom-  
modarentur humanae, ut suas quisque fortunas haberent,  
finibusque discretis colerent mortales: nemo ex alieno vive-  
ret, nedum ex raptō: suis singuli essent contenti, sua sibi  
retinerent. Qui latius, quam par erat, proferrent se et di-  
tiones suas, naturae limites transcendere dicebantur. Ius  
Quiritium tantum abest, ut Romae imperium ad omnes  
mundi regiones diffundat, ut quoque certis terminis con-  
cludat. Non est, ut adducam exempla. Adduxerunt ante  
me praestantissimi viri, Arthurus Duck de auth. iuris Rom.  
l. 2. cap. 1. post eum Rango, et alii multi. Eo conf. Conring.  
exercit. de Imp. Rom. Germ. prop. 11. Stirn. Nomothet. tit.  
8. §. 2.

XIII. Sed longius ab instituto itinere discesimus. Re-  
deamus ad mare. Afferamus porro imperium eius, quate-  
nus sic affecti, ut certis includi finibus, et tribui in diversarum  
dominorum partes possit. Atque id indicio est, alienum hi-  
esse imperium maris universi, quod qui uni vindicaret, in-  
ventus est nemo, qui saperet quidem, neque adeo impetu  
sed ratione uteretur.

XIV. Sed rem per capita disponamus. I. Sancitur prae-  
cepto Dei ius proprii, sancitur autoritate primi parentis  
sancitur iussu Patriarchae Noachi. II. Si itaque retro ea  
ad originem rerum, Deum habebis, unde ordiaris in ha-  
causa. Is Adamum terrae marisque imperio donavit, ut ius  
proprii haberet, et filiis posterisque assignaret eodem pro-  
prii iure, atque adeo separatim et pro parte cuique debita  
habendum. III. Ex quo intelligas, ius proprii altius esse  
auspicandum, et quasi devocandum ex coelo. Multum a  
huius antiquitate recedit divisio, et sic quidem recedit, ut  
ad ultima illa secula non acque possit extendi. Serior quippe  
peccata



pe est, et longo post tempore orta demum, atque exculta.  
IV. Ingens hic et multis molesta disceptatio, utrum iure insito fulciatur primaevum illud proprii ius? Si exquisita iubendi notione intelligatur, nil prohibet, cur negem. Hoc magis, si relinqvatur sibi, et secludatur a iure divinitus constituto. Est tamen proprii ius naturae et rationis iudicio convenientissimum, eoque sine dubio aliis nominibus ad ius naturae referendum. Praecipit quidem ius innatum, sed non semper, neque in praesens quatenus finibus suis aestimatur. Concedit tamen facultatem describendi in eos fines, quas proprii ius metitur. Svadet insuper exerceri, quod concedit. Praeparat svadendi viam ratio naturalis ac efficaciter incitat, hortaturque, ut proprii ius constituatur. Geritur illi mos atque obtemperatur. Incipit familia iure proprii uti. Prosequitur ordinem Civitas et servat. Perficit denique gentium societas et consummat. Haecenus mero naturae iure res agitur. Conceditur proprii titulus et svadetur, non praecipitur, non iubetur. Sed iniectum isti liberati fraenum, ac lex de constituendis proprii finibus, a Deo ut libero legislatore dicta, eoque non praecepta innato iure. Hinc si fingas, fuisse gentes, quae iure proprii non essent usae, directo non fecissent contra praecipiens ius naturae. Saltem per latus petiissent, convulsiissentque ex obliquo, quatenus non obedivissent Deo, cuius obedientiam sanxit naturae ius. V. Iam, puto, constat, quemadmodum discerni oporteat propositiones, quarum quaedam rationis naturalis iudicio componuntur, quaedam iure insito praecipiuntur. Vtraeque enim et dissimiles sunt maxime, et toto distant coelo. Est sane rationis naturalis, finiri terminis dominia, iuris tamen

naturalis praecipientis omnium minime est. VI. Regulae quoque officiorum homini erga homines praestandorum non pertinent ad hoc argumentum. Vulgo, neque satis accurate, praecepta caritatis vocant. Illorum enim ratione sic quaedam communia sunt, ut fieri possint propria. Sic iure amicitiae atque titulo caritatis neminem arcebis, quo minus ignem ab igni tuo suscitet: neminem prohibebis, quo minus de aqua tua hauriat aquam, ac profluentis communem adeo habeat usum. Ex alio tamen capite, maxime quatenus imperii civilis id interest, constitui aliter, atque inveni contrarium potest. Quam sive mutationem, sive correctionem non recipit praecipiens naturae ius, praesertim simplici dictato fundatum, et nulli adeo morum circumstantiae innixum, quale est illud de colendo Deo, de vita honeste agenda, et de suo, quatenus suo, cuique tribuendo. VII. Trahit hic quaestio quaestionem, oriturque dubitatio post dubitationem. Sunt, qui sciscitentur, an salvo proprii iure, quatenus id morum ambitu comprehenditur, constitui ad eam formam communio dominiorum potuerit, qualem ostendunt Grotiani admiratores. Primo prima dominorum origo contemplanda. Deinde vita innocens a peccato infecta perexquisite distingvenda. Tum secernenda capita eius, quod expedit, et quod simpliciter fieri potest, quamvis si ita fiat, non aequè utiliter fiat. Hinc dictatum iuris naturalis a iudicio rationis naturalis accurate discernendum. Mox videndum, utrum rei natura patiatur usus, iurisve proprii communionem. Potest enim evenire usum, ut alias impediatur iure aliunde quaesito, quod alioqui aut per se licebat, aut in genere morum plane non poterat licere. His constitutis, facili-

leren



le rem decidunt, ac pronunciant adeo, non intendi a iure naturae communionem, multo minus svaderi: nec tamen contrario praecepto sanciri illud omnium sermone celebratum proprii ius, eoqve intelligi, nihil simpliciter obstitisse, qvo minus proprii ius etiam durasset in communione illa, quam fingunt, extitisse primaeva. Sed fuisset ita commune ius, fuisset communis domini, ut morum respectu liciti, usus, qvatenus nemo alium impedivisset, Caius ita sibi vindicasset, ut Titio idem reliquisset, uterqve utrumqve, omnes omnia ita communia habuissent, ut sibi idem, qvod aliis ius, nec maius, nec minus in res communioni obnoxias attribuisent. Atqve id difficilimum corruptiori aevo, imo nec possibile quidem, qvatenus id ex certa conditione pendet, atqve non nisi huius ratione mensuratur. Est sane homo peccati infectus labe, viciati affectus ac subinde degeneres, nec idem semper melioris iudicii tenor. Saepe caligo subit, ac bona volentes alio deflectit. Nullus paci, nullus tranquillitati locus relinqueretur. Semper qverimoniae, lites, bella alerentur ista communione. Verum enimvero, quid prodest inquirere, quid fieri mero naturae iure potuerit. Cogitemus, aut potius confirmemus, quid factum sit.

XV. Adhuc navigamus in mari. Fortasse non esset enavigandi spes, nisi Deus et natura certos illi terminos praefixissent. Littoribus includi, etiam vulgo notum. Selectissima finium argumenta praebent mensores maris. Pingunt lineas, ac certe non pingunt, sed animadvertunt. Recitat ex natura artis Seldenus limitum illos ductus, et verba familiaria nautis, versuras, coxas, gamma-ta, acum nauticam, gradus coeli, circulos aequinoctia-



lem, ac solstitiales illos, quibus designari mare, et comprehendere veluti limitibus potest. Ne dicam, castellis maritimis et classibus quasi compedibus vinciri mare, sicut longo gentium usu, ac ab ultimis usque temporibus recepto, ita iure imperii maris.

XVI. Sed ut magnum est mare, ita, si attentius inspiciam, diversum, et iam interni, iam externi nomine appellatum. Vtrumque continetur imperii iure, et terminis circumscribitur suis. Alterum, quia terram interluit Principis, territorii finibus mensuratur: alterum quatenus possessore vacuum, cedit occupanti. Postquam occupatum est, imperii civilis iure descriptum censetur. Esto mare: accolat Princeps occupetque. Erit Principis, qui occupavit: commoda, quae ex eo redundant, ad Principem redundabunt, reditus fisco principali inferentur. Vna de Oceano, sive externo illo mari restat difficultas, quoad usque possit imperii finibus includi, imo quoad usque debeat. Ac primo habemus pro certo, unum non sufficere occupando integri Oceani Imperio. Inde colligamus, vindicari id gentibus pro ea parte, qua accolunt mare. Nisi aut cesserint suo iure, aut non utendo habuerint pro derelicto. Atqui vero hic distinguendae sunt mediae Oceani partes ab extremis, et quae propius absunt a terra. Has vindicari imperio, interest imperii securitatis. De illis non peraeque timendum, nec fortasse ad eas porrigendum imperium maris. Quod ratio cesset, propter quam in imperium redigantur. Nec periculum inde impendit, neque emolumentum speratur.

XVII. Imperii maritimi argumentum demissio velorum: onus, ut pro ea parte, qua possidetur, tutum praestetur.

stetur mare, idque tunc maxime, cum naves appellant ad portus. Illustre eius superiori anno exemplum. Redibat ex India Orientali classis Batavorum. Infidiabantur Angli, quaerebant, ut interciperent. Inerrabant in mari praefecti maris Montaguus, Penus et Allenius. Vnum classi in portu Bergensi perfugium erat. Vid. descript. Belli Navalis Anglo-Belg. A. 1669. Gallice edita. Quod spectat aplustria, moderabitur negotium Consul, qui sic appellatur. Multae ex eo capite lites, et saepe in cruenta praelia desinentes. Non ita pridem neglectus ille demissionis aplustrium in Batavam navem a Genuensibus vindicatus, et ut contemptus ratio a Consule reposita, ad Batavos perscriptum.

XVIII. Quod de mari, idem de insulis fluminibusque iudicamus. Obtineri utrorumque imperium, obtineri dominium potest. Nec ratio hic deest, neque exempla rationi. Approbant id Reges, Principes, Respublicae omnes.

XIX. Duo hic maxime observanda, ius natura concedens, et potestas civilis. Illud non disponit, sed disponendi arbitrium relinquit. Facere et omittere, iuxta habet: neque imperat, neque impedit. Hoc rerum statu exerit se imperium civile, ac proprii ius pro libitu definit. Integrum illi relinquere commune, quod concessione iuris naturae commune est: integrum quoque, ascribere sibi. Ponere obicem potest, et remove. Cumque ita se habet ius naturae, relinquitur iudicium rationi naturali. Haec statuit, ut visum est ex publica utilitate. Inde regula ex prudentiae capite approbata, omne id iure imperii posse vindicari, quod iure naturae concedente commune est. Contra, quam dicendum



foret, si iure praecipiente commune esset. Si enim ita esset, Principi non esset relictum, ut proprii ius libere definiret.

XX. Ac de insulis id confirmant longe gravissimi auctores, Ioannes Gryphiander, Cyprianus Regneri, Seldenus, Stypmannus. Neque secius id de fluminibus liquet. Asserunt in illa ius Principes, et habent. Causa a iurisdictione arcessitur, quae si terra contineretur solum, ad flumina non posset diffundi. Quod Principes, idem liberae Hansicaeque civitates vindicant sibi: de Patria mea testabitur diploma Karolinum, argumentum haud dubii iuris in flumina competentis. Tueri Albim, arcere piratas, capere aequae et punire infestantes flumen, ac purgare a praedonibus mare, vetustissimo privilegio concessum. Recitat illud Lambecius, et eadem opera ius in Albim declarat confirmatque. Vid. rer. Hamburg. lib. 2. n. 545. Quo conferas licet diplomata Friderici I. Imperatoris, et Comitis Adolphi III. apud eundem l. 1. rer. Hamb. p. 83. et l. 2. p. 6.

XXI. Vnum superat. Percensendi sunt auctores, quorum aut vestigia secuti sumus, aut sequi potuissimus. Horum alii controvertunt, ut Seldenus, Grotius, Boxhornius, Grasvvinckelius, Iul. Pacius. Alii differunt, ut Iacobus Godofredi, Io. Strauchius, Loccenius, Morisotus, Stypmannus, Martinus Schoockius. Neque omitendus vir in hoc argumento vindicando egregius Diana. Ut non referam de Thoma Rivio, Io. Isaac. Pontano, alii multis, praesertim iis, qui aut explicare, aut vindicare aut forte etiam refutare Grotium sunt aggressi.

XXII. Pervenio ad finem, et eadem opera ad pietatem. Convertere ad Imperium Romanum, matrem atque

qv



qve sedem nostrae gentis. Nil illi haecenus deest, nisi potentia maris, atqve usus navigiorum. Galli, Angli, Batavi certatim incumbunt in hanc curam. Asciscunt peritos maris, aedificant classes, et ducunt in mare. Sola Germania nostra hanc gloriam non affectat, sive fato quodam, sive iniquiori loco. Nec heri demum aut nudius tertius illa prudentium qverela fuit. Nunquam Carolus M. penetravit ad ultimum usque Septentrionem. Nec id mirum. Caruit potentia navali, caruerunt Successores. Ortonis M. victoriae raro ad mare progressae: Cursus ille tropaeorum intra terrae ac littorum fines sterit. Haec et talia cum ita sint, intelligis mea Germania, tu illa gentium victrix, quantum intersit tuae dignitatis, florere Hansicas civitates, crescere atqve exurgere indies illarum ocellum, civitatem Hamburgensem, patriam dulcissimam, et commerciiis maritimis iam olim summum decus adeptam.

XXIII. Adeo verum est, diuturno gentium consensu creditum haecenus, praecipuam potentiae palmam in mari, insulis, fluminibus sitam esse. Non ex vano olim censuit Pompeius, rerum potiri, qvi mare teneat. Henrico IIX. Regi Angliae tot natae a mari opes, tantae classibus comparatae vires sunt, ut ferme affirmaret, sociasse se Angliam et imperium orbis. Vox gloriosa nimis, et fortasse supra ipsos fines mortalitatis. Cui adhaereo, praest. De Carthagine Diodorus Siculus, de Athenis Isocrates, de ceteris Strabo, Halicarnasseus, Cornelius Nepos testabuntur. Nemini id magis cognitum perspectumqve fuit, quam Carolo V. invictissimo quondam imperatori. Is postquam fortunam Hispanorum altius expenderat, Philippum monuit, potentia maris fulciret

Hispa-

Hispanorum opes augetetque. Ni faceret, amissurum quoque illa, quae tradita ab se accepisset. Fidem dicto faciet Scribanus, vir prudens, et hanc viam non sine laudis vestigio emensus. Supervacuum de aliis referre. Passim obvia Campanellae et similium consilia.

XXIV. Nil suppetit, quod addamus. Si non omnia diximus, certe aestimavimus, quid posset dici. Reliqua publice nota sunt, ac gentium legibus asserta. De Italia auctor Caepolla est, insulas, flumina, ripas iure imperii contineri. De Gallis Hispanisque idem exploratissimum est. Lusitani, Dani, Svedi, Poloni, Moschi, Veneri, Genuenses, Batavi veteres illi ac recentes, iisdem finibus fluvios suos insulasque metiuntur. Quod de Imperio Romano recitat Seldenus, non hausit ex intimiori Reipublicae Germanicae statu, l. I. cap. XXI. mar. claus. Derogat fere Ordinum Privilegiis, derogat territoriorum potestati. Sunt sua Caesari iura, sed iis limitibus includenda, quos praefigunt imperii leges. Ad vetustissimas illas Graecorum Respublicas redire, nec tempori, nec destinatis nostris opportunum. Speculi vice fungetur Seldenus. His addere licet Iul. Pacii, Iac. Godofredi, Martini Schooekii dissertationes.

